

TŠENOLO, KHAOLO HLANO

KAROLO I

 Ke leboha haholo, Moena Neville. Morena a u hlohonolofatse, moena ka.

² Lumelang hoseng hona, metsoalle. Ke thabo hoseng hona, monyetla, kapa monyetla o moholo, nka rialo, ho khutlela mona tabernakeleng hape le ho hlophisa nako ena bakeng sa ho rapela hoseng le kopano ho potoloha Lentsoe la Morena. Ke a kholoa ho itsoe, “Ka thaba ha ba itse ho rona, ‘A re eeng ka tlung ea Morena.’” Ho ba ‘moho le Moena Neville hape, le metsoalle ea ka e lokileng le e ratehang.

³ ’Me ke hopola ho batla ho pholile, kapa ho futhumetse morao mono. ’Me ha ke nahana, re na le difene tse ’maloa, tseo le ka li sebelisang ka matsoho *tjena*. Haeba—haeba . . . re na le difene haeba le e na le moutoro, hore e lule e phethoha. Kapa, sehlopha se ne se le teng mona, ke kholoa ba li tšoere. Ke bona ba sebelisa libuka tsa lifela le eng hape. ’Me ke . . . re leka ho e tšoarela morero o le mong, ke ho qoba libaka tsena tse—tse chesang tsa nako e tlang. Kahoo re . . . ke ka hona re leng mona hoseng hona, ho qoba linqalo tseo. ’Me ntho e ’ngoe feela e ka etsang hoo, ke Mali a Morena Jesu Kreste oa rona a etsang hoo.

⁴ ’Me ke ile ka thaba haholo ho utloa tlaleho e ntle ea kereke, kamoo e tsoelang pele, ho tsoelapele le Morena, le kamoo Molimo o le sebelisang ka lineo tsa moea. ’Me ruri ke leboha Molimo haholo ka lipelo tsa lona tse tšepehang tseo A ka li sebelisang, le ho tšepa O tla le boloka hantle bohareng ba Tsela eo e patisaneng le e tšesane, hore le se E fapohe la khelohela ho le letona kapa le letšehali.

⁵ ’Me ke batla ho leboha Moena Colvin le morali oa hae, ke a kholoa, ba neng ba le holimo mona metsotsaneng e fetileng ba bina sefela seo, *Ha Ho Meokho Leholimong*. Se monate. Ruri ke ananela seo.

⁶ ’Me joalokaha Moena Neville a buile ka eena le ’na lilemong tse fetileng, ’me nka rialo ka Moena Colvin, re se re tsebane lilemo. ’Me ho mo utloa a bina lifela tseo tsa khale tsa Evangelie ho hōlisetsa bana ba hae tseleng ea Morena, ho thabisa pelo ea ka haholo. Ke thaba ho tseba hoba Molimo o na le batho ba O ratang le ba O tsotellang. ’Me re lebohela seo.

⁷ Joale, ho tloha ke khutlile, ke utloa hore bongata bo kolobeletitsoe Tumelong, ’me re thabetse hoo haholo. Ke bona motsoalle oa ka e motle, Moena Elmer Gabehart morao mono. Ha ke utloisia o sa tsoa kolobeletsoa Tumelong, ’me ke hlile ke

leboha hoo. Hoo ho batla ho hlophisa sehlopha sa rona sa khale sa ho tsoma koana Kentucky, ho nka ba baliloeng feela, ha e joalo na?

⁸ Ke sa hopola ('Me ke tseba Rodney a 'mametse ka phaposing motseo, haeba a sa le teng morao mono, 'me Charlie o lutse ka pel'a ka.) re ne re tloaetse ho theohela mono. Bashanyana bohole ba ne ba rata joalo, "Be, ke lihlora," ba nka tse ngata ho feta ha ba li fumana. Eaba ke buisana le bona ho re ketso eo e ne e sa loka. Kahoo joale ba... ke kholoa sehlopha sohle se batla se sokolohile re tla tlameha feela ho kena lebatooeng le latelang re ba otolle mono. Ho tla itokela.

⁹ Ka linako tse ling ke sheba fatše, joaloka moreri e mong le e mong, tlase tseleng eo u e totobileng, le ho ipotsa ka—ka lintho, haeba—haeba u jetse Peo na.

¹⁰ Lona... bongata le tseba Johnny Appleseed koana... oa Amerika. Khele, hape ho kile ha hlahla e—e monna Swedene a nkuoa e le ntho e kang eo, o ile a jala lipalesa. 'Me ba re lebaka leo ba tholang lipalesa tse ngata tse ntle hakana Swedene joale, hobane ba ne ba jale peo ea lipalesa, hohle moo a thotseng setša sa mobu se ka melang peō. O ne a rata lipalesa eaba o hasakanya lipo hohle. O se a iketse feela lipalesa tsa hae li sa ntse li phela.

'Me likarohano li re siela
Mehlala lehlabatheng la nako;
Mehlala, eo fale ho e mong,
Ea sesisang tseleng e mahloko ea bophelo,
Moena ea hlorehang ea sekepe se matamuke,
Ka ho bona, ba tla boela ba be sebete.

¹¹ 'Me ke seo bohole re ratang ho se bona, hore ntho eo re e entseng se tla etsa hore ba bang ba—ba fole molemo ka seo re se entseng.

¹² Ke ne ke lutse matsatsi a 'maloa a fetileng, ke qoqa le motsoalle ea tšepehang mona motseng, ngaka ea meriana, Sam Adair. 'Me a re, "U phela joang, Bill?"

¹³ 'Me ka re, "Oh, hantle bo, ke a kholoa, Doc." Ka re; "Uena ka bo-uena?"

¹⁴ 'Me a re, "Oh, bakuli ba bangata." Ho re, "Ke hlahlobile ba leshome le metso e mehlano thapama ena."

¹⁵ Ka re, "Be, molemo ke ha e le lihlahlobo feela 'me u sa fumane letho le phoso." Ke itse, "Ua tseba, the..." Re ne re qoqa ka lintho tsa khale ha re sa le bashanyana. 'Me ka re, "Be, Doc, ha ke tsebe hore ke tla hlola halelele hakae. Bobeli re lilemong tsa bomashome a mahlano."

'Me a re, "Ke 'nete, Bill."

¹⁶ 'Me ka re, "Empa lilemo tsena tsohle, lilemo tse ka bang mashome a mararo a motso o mong tsa bosebeletsi joale, Esale

ke hlophiselitse pelo ea ka hora eo ea ho tla ha Hae. Ha se lebaka mohla A tlang.”

Kahoo a re, “Hoo ke ’nete.”

Ka re, “Ke thabisoa haholo ke ho phelela ba bang.”

¹⁷ ’Me a re, “Bophelo bo joalo, ho etsang bophelo ’nete, ke ha u . . . ha se seo u ka se etsang kapa oa iketsetsa sona, empa seo u ka se etsetsang ba bang.”

¹⁸ Le a bona, ke hona mohla o phelang ruri. ’Me haeba motho hara rona ea e-so etse joalo, ho leka ho phelela motho e mong, ak’o leke, ’me u bone feela na bophelo bo u tšoaretse ho le ho kae ha u sa phelele ho iphumanela sona bophelong empa seo u ka se fang motho e mong bophelong. ’Me u tla fihlela e le leseho le fetisang le maruo kapa letho la . . . le ka hopoloang. Ke seo u ka se etsetsang motho e mong ho etsa meroalo ea bophelo . . . Etsoe, bophelo ka bobona ke meroalo. ’Me hoo ho tla bebofaletsa motho e mong. Ha u tsebe thabo ha u e-so e leke hang, ho etsetsa motho se seng.

¹⁹ ’Me hoo ho khutlisa mehopolo ea lilemo tse mashome a mararo a motso o mong (haufi) tsa tšebeletso ea Morena. ’Me ke kholoa monna ofe a nahana ka mohla a tla fihla tšebeletsong ea hae ea ho qetela le hora ea hae ea ho qetela, ho hetla tlase tseleng ho bona seo a se finyeletseng, ho bona se etsahetseng, “Na u entse letho?” ’Me haeba . . . ke sa tsoa bolela, ke seo u se etsetsang ba bang se bohlokoa.

²⁰ Khafetsa ke ipotsa ho tla ba joang mohla ke fihlang qetellong ea tsela ea ka, etsoe re sa tsebe nako eo, ha ho le a mong oa rona. Eaba ke hopola ho hetla morao tselaneng eo ke e tsamaileng bophelong le ho bona maralla a fapaneng le mefero ea meutloa le mafika le libataolo tse thata le ho matha habonolo, le seo ke se entseng mehleng eo. Tsohle li tla hlaha le leng la matsatsi ana horeng ea ho falla ha ka. ’Me ho tla ba joalo ho e mong le e mong oa rona. Bohle re ka kholiseha ka hoo, hore e tla—e tla hlahela e mong le e mong mohla e fihlang.

²¹ ’Me hoo ho mphihlisa kapa ke tataisoa ho bua taba eo Nka mpang ka e tlohela. Ke tataisoa ho bua taba eo ke . . . E silakanya pelo ea ka botebong ho e bua, empa seo ke se buang ke qobeloa ho se bua, ho lemoha hoba taba ena e a hatisoa ’me lefatše le tla se utloa, empa ke tlohetse bosebeletsi ka—ka lebaka ’me ke soabelha ke tlameha ho bo lesela lona. ’Me ekaba bongata bo utloetse, ke koala ofisi ea ka, le joalo-joalo, ’me ke tloha tšimong.

²² Ha ke tsebe moo Morena oa rona a tla nkisa teng, etsoe ha ke na taolo ea sona, kapa sohle seo A tla ntaela ho se etsa. Empa ke nahanne qetellong ea tsela moo ke tlamehang ho fihla. ’Me maetong a bophelo ke sitloe khafetsa etsoe ke le masoabi ho tsoa pelong ea ka, ka lebaka leo, ke a kholoa, ’na ke motho ke na le bofokoli joalo-joalo, bo qosa motho ho etsa lintho kapa ho bua lintho tse . . . esita le ho its’oara kamoo ba sa batleng. Empa

ka baka la bofokoli ba motho, khele, rona rona—rona re kena linakong tseo. Empa mono . . .

²³ Esale ke batla ho etsa ntho pelong ea ka, e ne e le ho utloa Mantsoe ao a Morena oa rona Jesu qetellong ea leeto lena, ho re, “U entse hantle, mohlanka oa Ka ea khabane le ea tšepehang.” ‘Me khafetsa ke itse holane ke ne ke eme mono mohla A itseng, “Tlong ho ’Na”; empa ke lakatsa ho Le utloa le re, “U entse hantle.” Haele moo ke sa utloa Lentsoe, la ho qaleng, le re, “Tloo ho ’Na,” mehleng ea morao ea ho ngoloa ha Bibele; empa ke lakatsa ho Le utloa le re, “U entse hantle.”

²⁴ ‘Me haeba nkile ka batla ho ba letho, le ho lakatsa joalo pelong ea ka, ebile ho ba mohanka oa ’nete oa Jesu Kreste, Morena le Mopholosi oa ka. Ke batla bopaki ba ka bo hloeke, e be bo iphotlileng, hore nkile Ka ema, liphosong tsohle tsa Ka feela ka Mo rata ka pelo ea ka eohle. ‘Me hoseng hona ke etsa hoo ka pelo ea ka eohle.

²⁵ ‘Me, ka lebaka leo, ke qobelloa hore ke tlohela bosebeletsi, ke hobane ho hlahile har’ a batho taba e nqositseng ho e etsa, eona, ke ntšitsoe selikeng sa ka sa “mosebeletsi” kapa “moena” ka bitsoa Jesu Kreste, le ho bitsa . . . ‘me hoo ho tla nhloaea ke le antikreste. ‘Me nka mpa ka kopana le Molimo ke ngalile pele ke kopana le Oona joaloka antikreste ho fokotsa ho Oona.

²⁶ Ke e utloetse e—e lilemo tse ’maloa tse fetileng ka e hopola e le motlae. ‘Me ke kopane le baena ba ’maloa (ha ke bone le a mong oa bona kopanong hoseng hona), ba babeli kapa ba bararo khetlo le leng leetong la ho ts’oasa lihlapi, ‘me ba nkatamela ka temana e reng, “Moena Branham, na ha u Messia motlotsua, Kreste?”

²⁷ ‘Me ka itihela molaleng oa baena bobeli ka ba kopela ka matsoho, kapa, bohole, ‘me ka re, “Baena, leha koana ke lekile ho ba mohlanka oa ’nete oa Kreste, ha ke rate ha le ka rialo. ‘Me ha ho ka thualo ka ’na, ke tla sutha tšimong ka letsoalo le hloekileng, ‘me lona le tla jara boikarabelo ba moea ka mong oo nka beng ke o pholositse mehleng eo; le a bona, ka ho ntlosa temeng.” ‘Me ka hopola e le phetho.

²⁸ Eaba ke e utloa makhetlo a ’maloa hape. Empa ho ne ho se joalo. ‘Me ka tsatsi le leng koana Canada moena a mpontša seteketana esale a se noketse pataneng ea hae, ho thoe “William Branham ke Morena oa rona,” ho kolobetsa ka lebitso la William Branham. Athe ke mothoana . . . oa bohlokao . . . Holane e ne e le sera, holane e le sera sa ka nka be ke e tsebile e le motlae. Empa moena ea khabane, ea ratoang o tlile a ipolela libe tsa hae le littolo tsa hae a bua ka tumelo ea hae ho ’na joaloka Jesu Kreste.

²⁹ ‘Me ke tšoere mangolo lapeng, le mehala e tsoang Chicago le libakeng tse fapaneng, a mpotsa haeba ke lumela tšomo eo.

³⁰ ‘Me ho kene mangolo a mefuta matsatsing a fetileng, le mehala e tsoang libakeng tse fapaneng, kahoo, ho thoe ke Kreste.

Baena, leo ke leshano le nyarosang, le lihlong, le bokhopo la liabolosi! Le a bona? Le a bona, ke moena oa lona. Joale, ntho eo e ka ntša motho ofe temeng. Motha ofe ea ratang Kreste a ka baleha a tsoa temeng.

³¹ Ha se khale ha ke ea ho Morena mona, ha ke utloela khetlo la pele, ho se ho batla ho fetile selemo. Eaba ke ea ho Morena 'me A ntšupisa Lengolo mohla Johanne a tlileng a ntse a rera, mohlang oo ba ne ba hlokile moporofeta lefatšeng lilemo tse ngata, ho fihlela ho . . . bohole keha ba hloletsoe lipelong tsa bona, ba hopotse Johanne e ne e le Messia. Ka hona ke . . . Johanne, ba tloha ba 'motsa, 'me a latola. Le e bala ho Luka khaolo ea 3, temana ea 15. 'Me ka hona . . . Empa ea batla e kokobela, eaba ke e lesa joalo.

³² Empa ha e fihla mona, ka tseba hoba ntho e tlameha ho etsoa. 'Me ke re, "Lipono le Lengeloi la Morena le hlahileng nokeng," (haeba ona e tla ba molaetsa oa ka oa ho qetela kapa ntho ea ho qetela ho kereke, lefatšeng) "lintho tseo ke 'Nete, ho latela Lengeloi la Morena."

³³ 'Me ke ikhutselitse hangata mohla batho ba ne ba mpitsa moporofeta, hobane *moporofeta* testamenteng ea Senyesemane e mpa e le "moreri, moporofeti, 'moleleli oa Lentsoe," joalo-joalo. Nka e mamella hoba motho u ka e bipa feela; empa ho bitsoa "Kreste Motlotsuo," kapa ntho e 'ngoe, ea nkimela haholo. Ha ke a khona ho e mamella.

³⁴ 'Me eaba . . . Ka fihla . . . Hoba ke khutle sebokeng sa Canada, Ka e fihlela e kene holimo ho ma-Eskimo kapa Maindia holimo mono, e kene har'a bona.

³⁵ Ea hla ea nkhathatsa. 'Me ka sitoa ho kena letšolong la ho tsoma athe esale ke le lohatha khale, ha ke a khona ho e mamella. Ke tšaba kotsi ea ho tsoma, haeba le utloisia seo ke se bolelang. Ka khohlopheha haholo, ho feta kamoo ke emeng mona joale. 'Me Ke sa khone ho e mamella ho feta, ho nahana ka lilemo tseo tse mashome a mararo a motso o mong tsa bosebeletsi tse hohlometseng phaepheng ea liabolose, ka har'a . . . Mohla ke iketseng, ba tla re'ng? "Ke eo, ke hantle seo e neng e le sona"; holima khahlamelo eohle ea ka holim'a batho, le bona moo e tla be e le teng, ke tla be ke le antikreste. 'Me ha ke a khona ho e mamella!

³⁶ Ka nahana, "Nka mpa ka shoela mona morung, eka hoja ke oetse holim'a sethunya kapa ho hong, ho e-na le . . ." 'Me ka ipona ke . . . Eaba ke nahana ka mothoana oa ka Joseph, le joalo-joalo, ba tlameha ho holisoa. 'Me ke se boemong ba ho tsoma, eaba ke tloha merung feela ka tla hae.

³⁷ 'Me ka khohlopeha matsatsi a robeli kapa a leshome, ke rarehile haholo ka—ka hopola ke tla lahleheloa ke kelello. 'Me ka kopa motho e mong le e mong ho ntlhoboha le ho ntessa ke le mong hobane ke rarahanke tšohile ke ferekane ke robekile likoto.

³⁸ 'Me ka ipotsa; holane e le sera sa ka se itseng, ho ka be ho lokile, empa nka be ke ile ka e tšeja feela 'me ka tsoelapele; empa ha e le baena ba ka ba bohloko, likhaitseli tse bohloko, ke hona ho nthonkang. 'Me ka re, "Morena, e moholo... lintho li a nkimela, ke tla tlameha ho tsoa 'me ke e tlohelle matsohong a Hau. Ha ke—ha ke tsebe seo nka se etsang."

³⁹ Masiu a 'maloa a fetileng, ho etsa bonneta, ka tleloa ke—ke ketelo ho tsoa ho Morena. 'Me Ka bona moratuo... lesea... e—e noha e bosehla le botšo, 'me e ntse e mpolella, 'me ea—'me eo ntea momong. Feel a mali a enne hakaale ha ke a tsoa kotsi ea letho. 'Me ka sheba fatše, 'me e le moo nkileng ka longoa pele. 'Me Ka retoloha ka potlako ka sethunya ka thunya e—e ntho eo, ka e nepa hantle bohareng.

⁴⁰ 'Me moena a re... Eaba ke retoloha ho e phatlola hlooho ka sethunya, 'me a re, "Se etse joalo, thonaka thupa e robetseng mono pela hao." Ha ke furalla ho thonaka thupa, ea meneka e kena metsing, qanthaneng ea metsi feela.

⁴¹ Ka re, "Be, ha e sa tla lematsa hobane ke lumela moena a hlokomela (baena) hore ntho eo e tla etsahala." Ka re, "E tla... E lemaletse lefu, e tla shoa ke hona."

⁴² 'Me Ka botsa boholo ba litho tsa kereke ea heso mona, ba nang le Moena Neville le 'Na mona tabernakeleng, ba ttileng ho 'na ka eona potso eo: Baena, likhaitseli, na ha ke a leka ho ba mosebeletsi oa 'nete oa Kreste pel'a lona? Na ha kea leka ho ba ngoanabo lona? Joale, e ka bang kae, ke moea o holima batho ba ratehang. Batho ba bangata ba mpotsitse ka eona. Empa ke—ke moea, empa ke tšepa kajeno e lemalla lefu 'me e tla shoa ka potlako ke tle ke khutlele bosebeletsing. Ho fihlela mohlang oo, ke tla kopa e mong le e mong oa lona, ho nthapella. Ha ke tsebe ke tla etsa'ng. Ke rekisa setša sa ka. Ha ke sa khona o e mamella, ha nka—nka—nka lika-lika, ke tla hlanya ka botlalo. 'Me ke a... ke le kopa ho nthapella.

⁴³ 'Me, hopolang, haeba le kile la ntumela, haeba le kile la ntumela ho ba mohlanka oa Kreste, hopolang, "Eo ke phoso! Ke leshano!" HO RIALO MORENA! "Ke phoso! Le se ke la amana le eona ka letho eona!" 'Na ke ngoanabo lona.

Ha re inamiseng lihlooho tsa rona:

⁴⁴ Ntate ea Maholimong, nama ea ka ea thothomela, matsoho a ka a petahana, menoana ea ka honyetse kahar'a lieta tsa ka. Oho Molimo, hauhela. Ke entse'ng, Morena, ho lokeloa ke hona? Ke U rapela ho nkauhela hona, Morena, le ho bohle. 'Me holimo mono, 'me baratuoa bao ba bohloko, ba bone phoso ea bona le seo ba se entseng, Morena, ho roba pelo ea ngoan'abo bona le ho... e seng moena feela, empa Mopholosi oa rona, Ntata rona ea Lehelimong. Ke U rapela ho re tšoarela liphoso tsa rona, Morena. Mali a halalelang a Kreste joale a hule botho ba rona 'moho,

Morena, 'me ho bokoe Tlamo e tlamang lipelo tsa rona ka lerato la Bokreste le kopano.

⁴⁵ Molimo, sera ttileng ho baena ba rona le likhaitseli tsa rona ka... se hlabjoe leqeba le bolaeang se se hhole se e-ba teng; se shoe, Morena. Mohla u etsang joalo, Ntate, ke tla khutlela tšimong hape. Empa ho fihlela mohlang oo, Morena, ke mohlanka oa hau ea robehileng pelo, ke letile, ke letile. E a ntšita ke sitoa ho etsa letho. Ke lekile ka meokho le ka lillo le ka liqelo, Morena, ka thata (U tseba pelo ea ka.) ho e khina pele e fihla hole hakaalo, empa e tlotse ho feta ntho efe eo nka e etsang. Ka hona, Ntate, ke e laetsa Matsohong a Hau ho tloha sefaleng sena ho fihla moo ke rerileng lilemo tsena tsohle. Ke e neela Letsohong la Hao.

⁴⁶ Joale, U a e bona, Ntate, ka tsela Ea Hau e Halalelang. 'Me mohla tsohle li felileng 'me ntho eohle e fetile, mohlanka oa Hau o tla khutla. Ho fihlela mohlang oo ke tla emela ho utloa ho tsoa ho Uena, Morena.

⁴⁷ Re hlohonolofatse joale ho re abela tšebeletso e kholo kajeno; hakaalo ha re mona ka lebaka lena, empa e le ho e hlakisa, pontšeng ea lefatše. Ba tle ba tsebe, Ntate, hore ke a U rata le ho U lumela 'me ke ile ka U emela, le—le ho batla joalo. Haeba ke tlameha ho ea, nke ke ee, Morena, ka pelo e hloekileng le ka bopaki ba mannete ba hoba ke lumetse ho Uena le ho U tšepa. Aba sena. 'Me ke tla U rorisa ke lebise tlotliso ho Uena ka mengoaha eohle e tlang ho tla ka Jesu Kreste. Amen.

⁴⁸ Joale, koana Mangolong, ha re phetleng Bibeleng ho... . Ke hopotse hoseng hona e ka ba bottle, ha Moena Neville a sa tsotelle, ho tsoelapele feela metsotso e 'maloa ka... .

⁴⁹ Joale, ke... . ke se hhole ke utloa e boleloa har'a lona. Le rapele feela le e qhelele kantle, le e koale. Le a bona? Ha ke... . Ke—ke—ke mashome a mahlano a metso e 'meli, empa ke a nahana mohlomong, ha Molimo o mpaballa, Ke saletsoe ke bopheloana, 'me bohashana bohole ba nako ea ka ke batla ho bo sebelisetsa Kreste. Ka hona, le hopole, ke falla hoba ke qhobjoa ho e etsa.

⁵⁰ Joale, Bukeng ea Tšenolo, khaolo ea 4 moo re e siileng letsatsi le leng tekolong... . Tšenolo, khaolo ea 4, ke a lumela, sekoto sa ho qetela sa temana, sa khaolo. Be, ba ratang Tšenolo ba ba kae? Ho a babatseha! Joale, ke kholoa ke e tlohetse ho ea 5—khaolo ea 5, ha re a etsa? Re tlohetse, khaolo ea 4, Libopuoa tse 'ne tse phelang. Joale, ha re atameleng Lentsoe joale, re lebale lintho tse ka morao.

⁵¹ Ntate Molimo, U re thuse joale re sa hobane re ferekane, empa re atamela Lentsoe. Ho lebala lintho tse kamorao, re hahamalla joale pheo ea pitso e holimo, pitso e holimo ea bosebeletsi ho ba mohlanka ho Kreste. Re fe Lentsoe hoseng hona le ho fepa maeea ea rona e lapileng, hoba re hlolohetsoe, Morena, re emetse tlolo e bohlokoa eo ea Moea o Halalelang.

Kena har'a rona, Morena, ho re tšoarela libe le littolo le ho re lumella ho ba bahlanka ba Hao. Hoba re e kopa ka Lebitso la Jesu. Amen.

⁵² Joale, re nkile mengoaha ea kereke, Mengoaha e Supileng ea Kereke ea ho qetela. 'Me eaba, joale, ke lumela bang ba bona ba leka ho...ba tla ngola ntho ena, mengoaha ea kereke. Re ntoo kena khaolong ea 4 ea Buka ea *Tšenolo Ea*... See ke'ng? *Tšenolo Ea Jesu Kreste*. *Tšenolo*, ka Selatini e bitsoa, *Apokalipse*, e bolelang "ho senoloa, ho-ho koaholla, ho bontša, ho pepesa," ho hlahisa tšenolo ea Jesu Kreste ea neng a le Teng, Teng, le ea Tlang ho Tla, Motso le Lehlimela la Davida.

⁵³ Joale, khaolong ea 4, re fumana Johanne a hapetsoe Lehlimong hoba a bone mengoaha ea kereke. Ho thea motheo o monyenyane joale, 'me re ntoo...

⁵⁴ Molemo koana e ka ba ho bala litemana tse 'maloa tsa khaolo ea 5, re ntoo qala hantle ka motheo.

'Me ka bona letsohong le letona la ea lulang teroneng buka e ngotsoeng ka hare le...ka morao, e tiisitsoeng ka litiiso tse supileng.

'Me ka bona lengeloi le matla le hooang ka lentsoe le phahamileng le re, Ke mang ea nang le tokelo ea ho phetla buka, le ea ho manolla litiiso tsa eona?

'Me ho ne ho se motho leholimong, leha e le lefatšeng, leha e le ka tlase ho lefatše, ea neng a ka tseba ho phetla buka, leha e le ho e talima.

'Me ka lla...hobane ho ne ho se motho ea fumanoeng a loketse ho phetla le...bala buka, leha e le ho talima.

Eaba e mong oa baholo o re ho 'na, Se lle: bona, Tau oa leloko la oa...la Juda, Motso oa Davida, o hlotse ho phetla buka, le ho manolla litiiso tse supileng tsa eona.

'Me ka talima, 'me, bonang, mahareng a terone le... libata tse 'ne, le hara baholo, ho eme Konyana e kang e hlabiloe, e nang le linaka tse supileng le mahlo a supileng, e leng Meea e supileng ea Molimo e rometsoeneng kahohle lefatšeng.

Me ea tla ea nka buka letsohong le letona la ea lutseng teroneng.

Tseo ke litemana tse supileng tsa pele.

⁵⁵ Joale, joale, khaolo ea 3 ea *Tšenolo*, re fumana qetello ea Mongoaha oa Kereke, e qeteletseng ka Laodisea, mongoaha kereke o fofo. Re ntoo fumana, hang kamora moo, Johanne a nkeloa ke Moea, holimo Maholimong. 'Me a bona lintho tse fetileng, le tse tlang ho tla, le tse neng li le teng. Joale, re a fumana, kereke ha e boele e hlahi haese hofihlela khaolo ea 19

ea Tšenolo, e ntoo khutla le Morena oa eona, e hlatsoitsoe Maling ka khanya.

⁵⁶ Joale, qotsong ena ea ho qetela, bakeng sa motheonyana ho fihla moo Johanne a leng teng joale, re fumane molaetseng oa ho qetela... Ke e shebile hakhusoanyane feela maobane, likahare tse ling tseo ke buileng ka tsona. 'Me Johanne a nkeloa Leholidong 'me o bone lintho tseo. 'Me Ka mono ke bone A mphile tšenolo, hoo... Le a tseba, bongata bo ne bo e na le Eena kamora tsoho ea Hae, 'me ba bang ba itse, "Ho tla etsahalang ka monna enoa ea itšetlehileng sefubeng sa Hao (Johanne)?"

⁵⁷ Jesu a reteleha ho re, "E ka ba eng ho lona ha a ka lieha hofihlela ke fihla?" Le ka mohla ha A...

⁵⁸ Teng ha tsoa thuto. Le bona kamoo e ka qalang habonolo? Ho tsoile thuto ha thoe—ha thoe "Johanne a ke ke a shoa pele a bone Jesu a e tla, kapa hofihlela ho Khutleng Labobel." Bibele e re ho ne ho tsoe thuto maloka le hoo.

⁵⁹ Kanthebo, Jesu ha a rialo. O itse, "E ka ba eng ho lona ha a ka lula ke be ke fihle?"

⁶⁰ Joale, re mo fihlela a hapetsoe maholimong ho bona ho qala mohlang oo ho isa ho khutleng ha Morena, eka hoja a ne a le teng 'me a e bone e etsahala eohle. Johanne ka seqo ha ka a phela... O phetse lilemo tse mashome a robong le lethoana, eaba o shoa e—e lefu la tlhaho (eena feela hara baapostola) kamora botlamuoia ba sehlekehleke sa Patmose.

⁶¹ Joale, ntlha e 'ngoe e ikhethang eo ke batlang... (Ke a kholoa ba nkile ea ka... ba theotse letlapa, empa...) Ke rata ho e toboketsa nakoana pele re otla ntho ena ea bohlokoia. Oh, sena se a tlotleha! Khaolo e babatsehang, e babatsehang.

⁶² 'Me eona khaolo e latelang e qala ka ho mnolla litiso tsena. Oh, khili! 'Me re ntoo lokela ho tlola mono re ea libakeng tse fapaneng Bibeleng, ho fumana litiso tsena ha li manolloa le hore liphiri tsa tsona ke ling. Oh, li a khanya, li ötliloe ka livithamini tsa moea feela!

⁶³ Joale, re bona e 'ngoe ea lintho tse tsoileng ka mahetla tseo ke ratang ho le ellisoa tsona, e ne e le Libōpuoa tse phelang (tsa sekoto sa ho qetela ea khaolo ea 4) tseo Johanne a li boneng li lisitse Areka eo ea Selekan. Le sa hopola hoba li ne li hlaphisitsoe sa Iseraele leetong la eona? Li ne li e na, joale, mono, sefahleho sa Sebopuoia se phelang. 'Me re fumane Libopuoia tsena e ne e se Mangeloi, hape e se batho. E ne e le Likerubime. 'Me re li fumana ka Testamenteng ea Khale 'moho le areka. Re li fumana kahar'a Testamente e Ncha. 'Me re boela re li fumana ho Khutleng ha Morena, Likerubime tse lisitseng setulo sa mohau.

⁶⁴ Setulo sa mohau seo ho beng ho se motho ea ka se atamelang pheko ea motho eo e le sieo, tsela feela eo serapelo... Mohla se ne

sefafatsoa ka mali, eaba se fetoha setulo sa mohau. Empa hoba mali a tlosoe, sa fetoha setulo sa kahlolo.

⁶⁵ 'Me, oh, khile, ho se motho ea ka emelang likahlolo tsa Molimo. Ntho feela eo re ka e batlang ke mohau, e seng kahlolo, e seng ho lōka-... ho lōka. Re ke ke ra atamela toka ea Hae; hobane, toka ea Oona, O tla lokela ho boloka Lentsoe la Oona; 'me ho boloka Lentsoe la Oona, "Mohla le se jang, le tla shoa letsatsing leo." Ke mang ea ka batlang toka? Ha ke batle toka. Ke mema mohau. Khele, a mohau oa Molimo... 'Me setulo sa mohau sefafalitsoe!

⁶⁶ Empa ho ntoo fihla mohla serapelo se hloekisoang, e ne e le setulo sa kahlolo ha feela mali a tlositsoe setulong.

⁶⁷ Joale, re atamela nako eo *joale*. Joale re a atamela, mongoaheng ona, tlhoeukiso ea serapelo le likahlolo tse tla oela lefatše. Le a bona? Ha feela Mali a le teng, Molimo o ke ke oa timetsa lefatše; Mali a le teng, ha ho moetsalibe pel'a Molimo. E mong le e mong o lōkile, Pheko ea bohole e teng. Empa ha u sitoa ho amohela Pheko eo le ho kena ka pel'a Sefahleho sa Oona, u tla be u le moetsalibe, u tšetse mohau oo. Joale u se u ikahlotse. Empa e re mohau o sa le teng... Empa mohla tlhoeukiso ea serapelo, Mali a tlosoa setulong sa mohau khalefo ea Molimo e ntoo tukela lefatše. Oh, khili! Molimo re hauhele, re se fumanoe kantle ho mehauhelo ea Molimo ka letsatsi leo.

⁶⁸ Joale, re bona ka mono... Ke tla leka ho e taka ka semoea mona, kapa ho le ralla eona ka matsoho a ka, hore Iseraele e ne e thakhisa liahelo likhutlong tse 'ne. Ba beha e—e areka setsing, 'me maphakong a mane a tente ho emisoa merabe e meraro ea Iseraele, 'me 'ne hararo ke leshome le metso e 'meli, kapa tharo hane, ke rialo, leshome le metso e 'meli. 'Me tharo ka 'ngoe e na le hlooho. 'Me hlooho ka 'ngoe ea morabe...

⁶⁹ E mong oa bona e ne e le Rubene, kamehla a thakhisa liahelo nqa ea—ea boroa. E ne e le hlooho ea monna. 'Me Efraime a le nqa bophirimela, ka merabe e meraro, eena e le—e le poho. Eona... Ka bochabela e le Juda, e leng tau. 'Me ka leboea e le Dane, eena e le ntsu. Joale, elang hloko. Le sa ba hopola na? Lōna bohole le sa ba hopola hantle, re ne re ba takile: ntsu, le poho, le—monna, le tau.

⁷⁰ Joale, le a hlokomela, Juda o lebelo khoro ea bochabela. 'Me Kreste ke "Tau ea leloko la Juda." O tla theoha maholimong a bochabela, ho kena ka khoro. O tsoa khorong ea bochabela ho tsoa lelokong la Juda. 'Me Ke "Tau ea leloko la Juda."

⁷¹ 'Me re a fumana, koana molaetseng oa rona o tla latèla hoseng hona, O sa ntse a tumisoa e le "Tau ea leloko la Juda, Motso, eona tšimoloho ea Davida." Davida e ne e le khosi, ka Bosafeleng. 'Me Kreste o lutse teroneng ea Davida lilemo tse Sekete, e leng Khosi ka Bosafeleng. "Ha ho e mong ea tla soabisa

Davida.” Hallelujah! “Ha ho ea tla phoqa Davida!” Molimo o e tsepisitse, ho re, “Ha ho ea tla soabisa Davida, le ea mong.”

⁷² U re, “Ho ka thoe’ng kajeno, baahloli bao ba Bajuda ba kae?”

⁷³ Peō ea hae e sa le teng, Kreste ke Mora oa hae ka nama. Ea lutseng mono. “Davida a ke ke a hlolleha.” Ke hantle. ’Me Kreste ke “Tau eo ea leloko la Juda” leo Davida a tsoileng ho lona.

⁷⁴ Joale, re ba fihlela e ne e le balebeli ba setulo sa mohau. Ba ne ba lisa setulo sa mohau. Ha ho letho ho se atamela, le ne le parola merabe pele le ka fihla setulong sa mohau. Monna e mong le e mong a ikemiselitse ho nehela bophelo ba hae, Moiseraele e mong le e mong liahelong a ka shoa pele ntho efe e ka kena liahleong tseo mono ho nka setulo seo sa mohau. ’Me joale re fumana mono e ne e le tsamaiso ea Testamente e Khale.

⁷⁵ ’Me tsamaisong ea Testamente e Ncha re fumana eona ntho eo, hore se ne se lebetsoe, setulo sa mohau. Oh, ke a kholoa le a e tšoara! Setulo sa mohau se sa ntse se lisitsoe, se sa ntse se na le balebeli. Re fumane balebeli bao e le Mattheu, Mareka, Luka, le Johanne, ba lebelang Buka ea Liketso, liketso tsa Moea o Halalelang tse entsoeng har'a baapostola, e leng—e leng Buka ea Liketso ea e Ncha ea Testamente e Ncha. ’Me bangoli ba bane ba Lievangeli, Mattheu, Mareka, Luka, le Johanne, bohole lebela setulo seo sa mohau ho bontša hobane ke Molimo, Moea o Halalelang kajeno. Lengolo le Leng le le leng, Mattheu, Mareka, Luka, le Johanne, e mong le e mong oa bona o tla tšehtesa Evangeli ea ’nete ea Morena Jesu Kreste le liketso tsa Moea o Halalelang.

⁷⁶ Joale, ha re feta Hono e tla be e se Eona. Empa E tšehtesa Molaetsa oa ’nete! Joalokaha re fumana ho Liketso 2:38, mono, “Bakang, ’me le kolobetsoe ka Lebitso la Jesu Kreste tšoarelong ea libe tsa lona.”

⁷⁷ ’Me kajeno ba amohetse Lebitso la “Ntate, Mora, le Moea o Halalelang” ho kolobetsoa ka lona. Ha ho Lengolo la eona! Ha ho motheo. Ha ho—ha ho letho ho lebela seo, le letho! U re, “Mattheu o e buile.” Mattheu o ile a E lebela. Mattheu 28...1:18 e re:

...tsoalo ea Jesu Kreste e bile ka tsela ena:
Moha...’mae Maria a neng a lebelelitsoe ke Josefa,
pele ba kopana, a fihleloa a e-na le ngoana oa Moea o
Halalelang.

Hona hohle ho entsoe mohla...Josefa monna oa hae,
(ke rialo) ka ha e le monna ea lokileng,...a sa rate
ho mo hobosa phatlalatsa, a hopola ho—ho mo lahla
lekunutung, ka mokhoa ona.

*Empa eitseha a sa hopotse teng, bonang, lengeloi la
Morena ho la tla mo hlahela ka toro, la re, Josefa, mora
Davida, u se ke oa tšaba ho inkela Maria mosali oa*

hau: hobane se emotsoeng ka ho eèna ke sa Moea o Halalelang.

⁷⁸ Ka hona, Moea o Halalelang le Molimo Ntate ke Motho a le mong kapa O ne a e na le bontate ba babeli. Le a bona? Le a bona ke hona!

*'Me o tla tsoala ngoana, . . . mo ree lebitso la JESU: . . .
. . .'me hona ho entsoe, hore ho tle ho phethehe . . .
boletsoeng ke . . . moporofeta, . . .*

⁷⁹ Molimo o ne o tla ba le rona, o bitsoa Emmanuel, e leng Molimo, Ntate, Mora, le Moea o Halalelang, ka Lebitso le le leng (Jesu Kreste) le lebelang khoro khahlano le phoso.

⁸⁰ Ho se ho fetile matsatsi a 'maloa mane Chicago, ka pel'a mokhatlo oa bareri ba Chicago, Chicago e kholohali . . . Ka tseba . . . Moea o Halalelang oa na oa ntsosa bosiu oa mpolella, "Ema pel'a fensetere." Ho re, "Sehlopha sa bareri se teng 'me se u hlophisetsa lijo tsa hoseng." Ho re, "Hlokomela, ba tla u hlasela ka taba ena."

⁸¹ Ka re, "Ke a U leboha, Morena." A mpontša moo e tla hlophisoa teng.

⁸² 'Me Ka tloha ka bolella bareri ba bang, Moena Carlson le Moena Tommy Hicks, kamoo ho tla ba kateng. Ka re, "Tulo eo u e laetseng, e ke ke ea ba eona. Re tla ea tulong se seng." Ho bolella kamoo Ngaka Mead a tla beng a lutse kateng; kamoo monna oa bammala a tla kena, a lule ka tsela *ena*; le tsohle ka eona.

⁸³ Eaba hoseng hoo, 'me ba re . . . Mora oa ka o itse ho 'na, "Ntate, na u ea hara likhang tseo?"

⁸⁴ 'Me Ka re, "Nke ke ka pheha khang. Ke ea teng, ke tlotsitsoe ka Moea o Halalelang, ka Lentsoe la Molimo le tla lebela setulo seo sa mohau, ha feela A le teng mono."

⁸⁵ Ha re fihla tlase mono, le pele ba fumana monyetla oa ho botsa letho, Moea o Halalelang oa bua le 'na, oa re, "Joale ke nako ea ho e bua."

⁸⁶ Ka re, "Ke tseba morero oa lona mona." 'Me Ka re, "Joale, Moena Hicks, le uena le Moena Carlson, hlooho ea Borakhoebo ba Bakreste," Ka re, "na tsohle ha li joalokaha Moea o Halalelang o mpoleletse maoba? Hore le ke ke la fumana phaposi eo, re tla ba mona?" 'Me ba sa tsoa kena hoseng hoo. 'Me Ka re, "Joale shebang, motho e mong le e mong o lutse kamoo O boletseng." Ka re, "Seo le batlang ho nkamatela ka sona ke ka Lebitso la Jesu Kreste kolobetsong."

⁸⁷ 'Me ha re . . . Moea o Halalelang oa qala oa nka Lentsoe la Molimo oa Le senola oa Le hhalosa joalo, athe mono ho lutse sehlopha sohle sa barerei ba boraro-bo-bong, ba tsukutlana ka matsoho tlasa tafole 'me likeleli li theoha marameng a bona. 'Me ha ke utloisia mashome a supileng a metso e 'meli a tla theohela

mona tabernakeleng ena hore ke ba kolobetse ka Lebitso la Jesu Kreste.

⁸⁸ Setulo sa mohau se sirelelitsoe, le a bona, Moea o Halalelang o lebela setulo sa mohau. Re tlameha ho e baballa hantle feela . . . E re Lentsoe leo la Molimo . . . manqosa ao a maholo a lutseng mono, Mattheu, Mareka, Luka, le Johanne, a tšehetsta ketso efe le efe ea Testamente eo e Ncha.

⁸⁹ 'Me joale, joale, ke buile joalo hantle sekotong sa pele sa molaetsa oa hoseng hona, ha re e bolokeng hantle mono e sirelelitsoe ke Evangelii. Le a bona na? Le a bona? Le e boloke hantle mono moo Lievangeli li tla E lebela.

⁹⁰ Joale, mono re a fumana, ba ne ba lebetse setulo sa mohau sa Molimo kahar'a Testamente ea Khale; 'me mono, Mattheu, Mareka, Luka, Johanne, bao bohle. 'Me esitile le Tau ea leloko la Juda e behile bophelo ba Eona fatše ho lebela setulo seo sa mohau, se tle sefafatsoe ka Mali a Eona ka Sebele. 'Me ke Eo o eme hoseng hona, kajeno, Mohloli e moholo ea tlang ho theoha Bochabela tsatsi le leng 'me re tla 'Mona.

⁹¹ Joale, re phetla kapele, hoba ke tseba tšebeletso ea kolobetso e le teng. Buka ena e tiisitsoeng hasupa Ke'ng? Oh, ke ntho e kholo ha kae! Na le lemohile kamoo e buang mona, "E ne e le litiso tse supileng ka morao ho Buka"? Ke ntho e itseng . . . Oh, a Molimo o re thuse joale ho re fa sebete, 'me Nka le Neha eona kapele kapa hamorao. Shebang, sena ha se a ngoloa Lentsoeng, se tiisitsoe kamorao ho Lentsoe. Buka e tiisitsoe ka litiso tsena tse supileng. Sephiri sohle sa Buka se tiisitsoe kahare ho litiso tsena tse supileng. Ena ke e 'ngoe ea likhaolo tse kholohali kahara Buka eohle ea Tšenolo. Shebang:

'Me ka bona letsohong le letona la ea lulang teroneng buka e ngotsoeng kahare le . . . e ngotsoeng kahare (Ho ngotsoe kahare, ke seo re se balang hoseng hona.) le . . . ka morao, e tiisitsoeng ka litiso tse supileng.

Ka ntle ho Bibebe, seo Bibebe e sa se bueng le hona, e tiisitsoe ka litiso tse supileng: liphiri tsa Molimo.

⁹² Joale, ke'ng? Joale, hlokkelang. Tiiso e bapisa sehlahisoa se felileng, ntho e hlahlobiloeng, e pakiloeng, ea ntoo tiisoa. E kae . . . Re na le tebeletso ea pholoho ea rona joale e tiisoang ka Moea o Halalelang. Eo ke tebeletso ea pholoho ea rona.

⁹³ Ha re khutleleng motsotsa feela. Ke—ke ngotse Lengolo mona mona, a 'maloa, ha ke . . . nke ka fumana nako ho a finyella kaofela. Empa ha re khutleleng ho Baefese, nakoana feela, 'me re bale . . . khaolong ea 1 ea Baefese, e le hore le qhautse moelelo oa sebela.

ke le Pauluse, moapostola oa Jesu Kreste ka thato ea Molimo, ke ngolla bahalaleli ba Efese, . . .

⁹⁴ 'Me, hopolang, sena Johanne o ne a se ngoletse Baefese, ho Efese le batsepehi ho Kreste, bao Pauluse a ba reretseng a ba holisitseng, a ba hakolisitseng ka Evangeli. Le a bona?

...Efese, le ho ba lumelang ho Kreste...

⁹⁵ Ke bao ba seng ba le ho Kreste. Re kena joang ho Kreste? "Ka Moea o le mong re kolobeletsoa bohle 'Meleng o le mong," oo ke 'Mele oa Kreste.

A le ke le neoe lona, mohau le khotso, ke Molimo Ntat'a rona, le... Morena Jesu Kreste.

Ho bokoe Molimo, Ntat'a Morena oa rona Jesu Kreste, o re hlohonolofalitseng ka mahlohonolo ohle a moea maholimong ho Kreste Jesu:

⁹⁶ E nahaneng joale! O re hlohonolofalitse ka mohau ohle oa leholimo, mahlohonolo, re sa phuthehile 'moho ho Kreste Jesu (re le balumeli, Kereke e khethiloeng, e bitsitsoeng, e hloauoeng). O re tiiselitse ka hare ka Moea oa Hae o Halalelang, 'me joale o re senolela lintho tsohle tse tlang. Joale re holimo ho litiiso tse supileng.

Kamoo o re khethetseng ho eèna kateng ha o ne o eso ho thee lefatše, hore re be ba halalelang le ba hlokang molato... leratong la oona:

O ne o re rere pele ho beoa bana ba hae ka Jesu Kreste, ka ho rata ha Oona ka Sebele...

⁹⁷ Mohopolo o motle hakaakang! Ha re baleng motsotsa feela. Haholo-holo ke batla ho theohela mona temaneng ea 12, le ea 13, ea 14:

Hore re tle re be thoriso ea khanya ea oona, ba ileng ba Mo tšepa pele.

Le lona le mo tšepileng, ha le se le utloile lentsoe la 'nete, le evangeli ea poloko ea lona: le mo... kamora... le lumetse, le tiisitsoe ka Moea o halalelang oa pallo,

⁹⁸ "Ha le se le lumetse." Oh, moena oa ka oa Mobaptise, u ka rialo joang Hoo ha ho joalo? U re u amohela Moea o Halalelang *mohla* o lumelang? E itse, "*Hoba* le lumele le tiisitsoeng ka Moea o Halalelang oa pallo." Hlokamelang:

E leng tebeletso ea lefa la rona ho tle ho be ho fihle topollo ea letlotlo la oona, e be thoriso ea khanya ea oona.

⁹⁹ Joale, re fumana joale ho re *tiiso* e bolela "ho Molimo ke ntho e phethiloeng, e seng e batalalitsoe." 'Me molumeli e mong le e mong o tiisitsoe ka pallo ena le ho qaleng, hobane re ne re rereloe ho beoa bara le pele ho theoa lefatše. Le pele lefatše le ka qala! Oh, tšepo e kakang. E re thusang ho phomola ka ho tiea le ka kholiseho. Ankora ea moea e sa akheloeng mona le mane, empa ho ankoroa ka ho Kreste, tšepo e tiileng. "Re ne re reroe

lefatše le eso ho theoe, re tle re beoe bana ka Jesu Kreste.” Oh, ho babatseha hakakang! Ke rata seo: “mosebetsi o phethiloeng” ho Molimo.

¹⁰⁰ Joale, e reng ke le qotsetse Lengolo le leng. “Bohle bao A ba tsebileng pele, O ba bitsitse; bohle bao A ba bitsitseng, O ba behile ba lokileng; bohle bao O ba behileng ba lokileng, O ba tlotsitse.” Leeto lohle ho qala tšimolohong, Molimo, mohopolong oa Oona o moholo o sa feleng, o bone Kereke ea Oona esa le pele oa e rera pele ho ea beoa bana ka Jesu Kreste, ho ba neha Bophelo Bosafeleng qetellong ea mongoaha. Ke ntho e ntle hakakang! Moena Neville, e nketsa ke hlaphoheloe ho feta. Uena ha u etse joalo? Oh, yaa. Ho beoa bana ka Mali a Jesu Kreste!

¹⁰¹ Joale, elang hloko ha re khatha tema. Joale, re a tseba hoba pheletso- . . . Re ne re reroe pele le Konyana. Moea o Halalelang ke Tiiso ea rona. *Tebeletso* e bolela “boholo bo tla latela.” Re tšoere tebeletso ea Oona feela joale. Tebeletso ke peeletso (Oh, e ntle hakakang!), ke peeletso feela e e tšoerang le ho e sireletsa le ho e tsetela hore e se angoe ke mang. Ke tebeletso ea ho beoa ha rona bana. Amen. Moea o Halalelang joale ke tebeletso ea Molimo ka lipelong tsa rona (tiisitsoe), ho beoa bara ho re emetse qetellong ea tsela. Bara le barali ba Molimo!

¹⁰² Ha re phetleng Lengolo le leng, kapele, ke le ngotse leqepheng le leng lena. Baroma 8:22, ke kholoa le le letle. Joale, tekolong ea maobane, ke ngotse Mangolo a ’maloa mona ke rata ho lebisa ho ona.

. . . *re tseba hoba—re a tseba hoba popo eohle e ntse e fehelo a e bile e tsietsing hammoho ho fihlela jode.*

’*Me e sang tsona feela, empa le rona ba nang le lithakangoaha tsa Moea, le rona ka borona re a fehelo a ka ho rona, re lebeletse ho beoa bana, e leng topollo, ea mebele ea rona.*

¹⁰³ Oh, le a e bona? “Pōpo eohle e ea fehelo,” ho boletse Pauluse. Tsohle li a fehelo. Shebang lifate kamoo li phehellang. Shebang lipalesa kamoo li phehellang bophelo; serame se ntsoo fihla se li falatsa. Shebang lifate kamoo li loanelng ho kakatlela makala a tsona ho bina lithoriso ho Molimo. Le a bona? Tsohle, tlhaho eohle, liphoofolo tsohle, linonyana tsohle, e rura ho phema sera ka potlako e a baleha, tsohle li a fehelo. “Le rona ka borona,” Pauluse o boletse, “re fehelo, le tsona, ’moho, hobane re lebeletse topollo ea ’mele oa rona.”

¹⁰⁴ *Empa joale! Joale!* Ba e entse ka lilemo tseo tsohle ho fihlela *joale!* *Joale!* re tšoere tebeletso ea lefa la rona! Oh, khili! Re na le eng? Re na le bopaki bo reng Molimo o a phela. Re na le bopaki hore Molimo o na le rōna. Re na le bopaki bo reng Molimo ha oa re hloboha, hore re ba Oona ’me Ke oa rona, hobane rona (mebeleng ea rona) joale re ahelelitse Moea o Halalelang oa

Molimo o hooang, “Abba, Ntate.” ’Me ha ho letho le ka tlosang seo. Re tsetetsoe ka ho Kreste.

¹⁰⁵ Joale, lifate ha li na eona, tlhaho ha e na eona, feela re ntse re feheloal le tsona hoba le joale ha re e-so fumana bottlalo ba rona ba ho beoa bana. Empa re tšoere tebeletso ea eona, e reng re hloibitsoe linthong tsa lefatše ‘me joale re ba bara le barali ba Molimo. Re tlamehile ho ba batho ba mofuta ofe? Oh, khili, ha re e nahana! Nahanang taba ena!

¹⁰⁶ Joale re tšoere tebeletso, moea oa rona o tsetsela peho e tletseng ea bana, empa joale re tšoere tebeletso. Ha re amohela Moea o Halalelang, ke tebeletso ea peho ea rona e tletseng kapa pholoho e tletseng. Oh, e ntle hakakang! Ke rata hoo feela. Ho lokile.

¹⁰⁷ Re emetse bottlalo ba ho beoa bana. Sena se tla etsahala neng? Tsohong ea pele. Ke mohla mebele ea rona e tla fetoloa ho tsoa libopuoeng tsena tse malimabe ‘me re tla ba le ‘mele o kang oa Hae ka Sebele o khanyang, “Hobane re tla Mo bona kamoo A leng kateng, ‘me re tla tšoana le Eena.” Mohla A hlhang, re hlaha ka setšoano sa Hae. Re tla ba le ‘mele o kang oa Hae, ‘mele o tlotlehileng, ‘me liteko tsohle le maima a bophelo a tla nyamela e be moholi o mosesane o fefoloang ho se hhole o e-ba teng.

¹⁰⁸ ‘Me litabernakele tsena tsa lefatše tseo re feheloang ho tsona joale, re emetse tebeletso eo—tebeletso eo . . . ea poloko e tletseng ka bottlalo ba eona bo tlang. Empa kahara litabernakele tsena tsa letsopa re tšoere Ntho e re bolellang hoba hofihlela mona re se re tsositsoe. Amen. Tebeletso ke eng? Ke peeletso e e kakatlelang, Moena Dauch. Ke tebeletso. Joale, mohla re ne re rata lintho tsa lefatše, mohlang oo re ne re etsa sebe re tsamaea hohle re etsa lintho tsa lefatše, ‘me re sa tsotelle Molimo, re ne re le basele ho Eena, kantle ho Molimo, kantle ho Kreste, lefatšeng; joale, Molimo o rometse Moea oa Oona o Halalelang ‘me ka oona re nyolloa linthong tseo. Joale re tšoere tebeletso, re tseba hobane re faletse lefung ho kena Bophelong. Amen!

¹⁰⁹ Mona, ke ne ke leka ho bontša sena ka tsela *ena*. Moetsalibe oa tlaolo o matha *mona*, tlase mona fatše. Joale, Mokreste o nyolohela holingoana ho feta mona, o phahamela nyee eo eohle. Eo ke tebeletso ea poloko ea hae.

¹¹⁰ Joale, hore le tle le tsebe mohla . . . seo lipono li u etsang sona. Nthuse ke hona, Molimo ke moahloli oa ka, ha ke a ikemisetsa ho fumana e ‘ngoe. Haeba e etsa, ke tla e koetla, le a bona, hoba ke bona seo e se etsang. Batho ha ba e-so itokisetse tšebeletso e joalo, ka hona u tlameha ho e tlohela feela, le a bona, ho khutlela morao mona. Empa ha nka khutlela temeng hape le ka mohla, ke tla ba moevangeli. Empa shebang mona. Tabeng ena mona, ho khutlela ka mona, holimo ka mona, o nyolohela Maholimong ana holimo ka mona. U phela hantle haufi le lilika tseo mono. O

fetela ka nqane ho ntho efe eo motho a ka e nahanang, ka nqane ho lintho life tseo. 'Me e u phahamisetsa linqalang tseo mono.

¹¹¹ Empa, le a bona, joale re ruile, ka Moea o Halalelang, tebeletso ea lefa la rona hobane re nyolotsoe linthong tsa lefatše; 'me re palama hantle 'moho le lefatsše, empa re kaholim'a lefatše! Oho Moena Neville, Molimo o hauhele o nehe Kereke ea Molimo o phelang . . .

¹¹² Ha re ka fihla moo re nahanang hoba kereke, kereke e ntle, ho re, "Re leka ho ipapisa le lintho tsa lefatše. Re leka ho thea seholpha sa baseketebolo se fetang sa bona. Re tlameha ho fumana e—e moaho o betere. Re tlameha ho hlaphisa papali e betere ea bunco. Re lokela ho fumana ho betere *hona* le *hoane*, kapa *hoane*." Khele, re ka E bapisa joang le makhabane le mabenyan a lefatše? Ha re . . . Evangelı ha se ho *benya*; ke ho *khanya*. Phapang e teng lipakeng tsa ho benya le ho khanya.

¹¹³ Le a bona, re potoloha feela, joaloka ha ke boletse, ho tlosa setopo se seng—se seng moshareng ho ea ho o mong, ho fetola litho le lintho tse joalo. Be, re fola molemo ofe? 'Me re leka ho e bentše, mafika a litsulluhali tse ntle, libakahali tsa litonana tse ntle. "Ea rona e loketse e be betere ho feta Methodise kapa betere ho feta Baptise, 'me bohole re leka ho hlolisana le Katolike, 'me re tšoara lipapali tsa bunco le meketjana le lilallo le boithabiso, le ntho eohle."

¹¹⁴ Kereke e ka sitoa ho ipapisa le lefatše. Uena le boithabiso ba kereke ea hau le ka ipapisa joang le Masonic Lodge kapa—kapa ofe oa batho bao ba ka ithabisang? Tseo ke litša tsa bona. Se leke ho kena litšeng tsa bona.

¹¹⁵ Empa re tšoere Seo ba se nang sona! Re tšoere Jesu. Ba mpe ba tle koano ha ba batla letho. Lulang ho Kreste. Re tšoere Jesu. Ba ke ke . . . ba ke ke ba fumana Jesu pele ba fihla mona. 'Me ha re ea koo, re tlohile litšeng tsa Hae.

¹¹⁶ U se leke ho phatsima. Khanya! 'Me o ke ke oa khanya, u tlameha ho E lumella ho khanya ka uena. Le a bona?

¹¹⁷ Senakangoeli, ha se khanye hobane se batla ho khanya; hobane se *hlile* se a khanya, ntho e khanyang e ka ho sona. E ka ho sona, ke sona se e etsang, ntho e teng e khantsang feela ka ho sona.

¹¹⁸ Be, le ka Moea o Halalelang ho joalo. Ha rea tlameha ho hlolla, ho fapana, ho fetoha letho le fetisang, lokoloha feela u phele bophelo ba borapeli u lumelle Molimo ho phela ka uena. Seo se tla khanya bakeng sa Evangelı. Le a bona? Ha se phatsimo; *phatsimo*, liapi li rata tse joalo, ntho efe e phatsimang. Le a tseba, ha li phetse ho tlolela ntho e "e phatsimang." Empa ho *khanya* ke "bonolo, monate o hlabosang oa—ea Moea o Halalelang."

¹¹⁹ Joale re emetse tsoho eo. Be, joale, na le a utloisia? E reng "amen" haeba le etsa, seo ke se bolelang ka "tebeletso."

[Phutheho e re, “Amen!”—Mong.] Re tsoa . . . Re—re a tseba hoba re tlohile lefung ho kena Bophelong hobane re nyolotsoe. Ha re a iphamisa, re mpa re nyolotsoe linthong tsa lefatše, re rata motho e mong le e mong. ’Me Molimo o a re rata, etsoe re a e tseba. ’Me re behile maphelo a rona leihlo le ho bona hore ke Moea o Halalelang, hoba ha re sa tsotella lintho tsa lefatše. Le a bona? Ke moo. Ha feelsa u rata lefatše kapa lintho tsa lefatše, etlaba lerato la Molimo ha le a aha ho uena. Le a bona? Empa ha u phahametse hoo, joale u itseba u ruile lefa la hao, le a bona, u—u habile topollong ea hao e tletseng.

¹²⁰ ’Me, joale, e ke ke ea fihla, le a a bona, pele re fumana . . . Pele re tlameha ho bona Jesu. ’Me mohla A tlang, re tla ba le ’mele o kang oa Hae ’me re tla etsoa joaloka Eena. Ho lokile.

¹²¹ Joale, re a bona mona ho lahlehile ntho (hobane Bibebe e boletse joalo, ’me Bukeng mona) se re—se re lopolotseng. Re lopolotsoe ho eng? Ntho eo re tšoanetseng re be re lahlehetsoe ke eona. Pele u ka lopolloa, ntho e tlameha ho re lopolla e re khutlisa. ’Me lefa lohle leo re neng re le ruile le se le—le se le lopolotsoe hape. Re tšoanetsse re be re kile ra rua se re haellang joale, empa Konyana ena e tlela ho lopolla. Le a bona? Re ne re lahlehe ho tsoa nthong e itseng.

¹²² Joale elang hloko. Re ne re lahleheloe ke’ng? Be, e ne e fuoē Adama ho rua Bophelo Bosafeleng, a na le Bophelo Bosafeleng ha feelsa a ejia Sefateng. ’Me re elella hape hoba Adama e ne e le . . . o—o ne a ruile lefa la lefatše. E ne e le . . . joaloka molimo o monyenyanne holima lefatše. Lefatše e ne e le la hae. Ntho eohle e behiloe letsohong la hae, a ka etsa ka eona seo a se batlileng. A e rea lebitso, ’me a e bitsa, ’me a etsa sohle seo a se batlang. E ne e le mora oa Molimo ruri.

¹²³ Joale, tlolong, Adama o ile a tèla lengolo la thuho ea lona. O le tèlla Satane. Satane a nka lengolo la thuho. Adama a ba bohlasoa haholo, ’me o sitiloe ho lopolla litokelo tsa hae ka ha a sa khona ho lopolla litokelo tsa hae. Empa Satane, ha se mong’ a lona ka nèpo, empa o le ruile, ke molimo oa lefatše lena. Bibebe e boletse joalo. O ruile ntho eo. E seng hobane a—hoba a—a le ruile ka nèo, empa o le ruile. Joale na le a e utloisisa? Satane o tšoere ntho eo, o e tšoare letsohong la hae. Lefu le letsohong la hae, lefatše le letsohong la hae, lefatše ke la hae, lichaba tsohle ke tsa hae, o a busa o laola lefatše lohle le tsohle tse lefatšeng. Satane o etsa joalo!

¹²⁴ Empa ho lebohuoe Molimo ha re ba lefatše. Le a bona? Ke moo—ke moo. Le a bona? ’Me re a . . . Ha ke bolele Kereke; ha a laole Kereke. O laola lefatše feelsa. O e bitsitse ea hae, ’me ke molimo oa lefatše. Jesu o mo bitsitse eena, ’me ke eena. “Ke molimo oa lefatše lena, o foufalistse mahlo a batho,” molimo oa lefatše lena. Eena ke Molimo oa Leholidmo. ’Me joale ha a le rua ka nèpahalo. Ha se mong’ a lona.

¹²⁵ Empa o lahlile e . . . 'me Adama o lahlile tokelo ea thuho ea lona, ea sena, linyee tsena tsohle tsa rona, Bophelo Bosafeleng le ho rua lefa lefatše. Jesu o boletse, ho Mattheu 5, "Ho lehlohonolo ba bonolo hobane ba tla rua lefa la lefatše." Le a bona? Joale, ha re a le tšoara hona joale.

¹²⁶ 'Me, bonang, e ne e se ho Adama kapa ho efe ea lipeō tsa hae. Peo ea Adama e lahlehetsoe ke tsohle, le eona. Ha se peō ea Adama. Re ka leka ka thata ho khabisa lefatše lena, ra leka ka thata ho haha malapa a maholo a matle le lintho, e ntse e se la peō ea Adama. Che, monghali. Ha le a ea ho peō ea Adama, che, monghali, hoba Satane o le hapile letlalo, maoto le litlhakoana. Hantle! Hoba Adama a le tèla.

¹²⁷ Joale, oh, khili! E, lintho tse ngata li ka boleloa. Ke—ha ke batle ho qeta nako e ngata joale, ka hona re tlameha, ho kolobetsa. Ho lokile.

¹²⁸ O le ruile feela ha se la hae ka nèpahalo, Satane ee. Mohla mong'a tokelo—mong'a tokelo—mong'a lona a neng a le lahla, le ka lopolloa ka mokhoa o le mong feela. Joale, ke ka oa leloko le haufi, le ka lopolloa ke eena feela ka tšoanelo. Joale, ehlile, sena re se fumana tsoalong ea Jesu Kreste ka moroetsana.

¹²⁹ Joale, ke batla ho bua se seng mona. Ntho ea pele eo re batlang ho khutlela ho eona, ke, ha re ka khutlela ho—ho Testamente ea Khale mona, Ke a kholoa ke le ngotse kae-kae mona, Levitike 25. Ho Levitike 25:23 le 24, le ka itholla melao ea topollo, lona ba le ngolang. Ho lopolla thepa efe ha motho . . . Mohla Molimo o ne o abela Israele . . . ho arola naha ea eona ka Joshua, morabe ka mong le mothaka ka mong o abetsoe naha e bileng lefa la bana ba hae—leruo la hae.

¹³⁰ Joale, enereha monna enoa a futsaneha a lahleheloa ke letho ho monna e mong, sena . . . le ka lopolloa feela ka oa leloko le haufi. Empa qetellong le tlameha ho khutla. Monna enoa o e tšoara nako e baliloeng feela. E tlameha ho khutlelana le mong'a nèpahalo. Hantle! E tlameha ho khutlelana le mong'a mantlha. Lona . . . haeba ba tsoile mothapong oa Juda, ha ho le joalo . . . Haeba a le teng 'me le ne le abetsoe ntatae, le lebahane le eena, kapa oa leloko le haufi a ka le rua. Empa, joale, ha ho mang ka molao . . . Ba ka le tšoara, ba ka tšoara lengolo la thuho. Ba ka tšoara lengolo la thuho ho fihlela molato o lefiloe, empa ha monna ea tšoanelehang a fihla, motho ea . . .

¹³¹ Ha re, ho tea mohlala, holane ke ruile setša ebe ke lahleheloa ke sona, eaba Ke se rekisetza Moena Neville oa morabe o mong, oa Juda, kapa ho se rekisetza molichaba. 'Me e le sa hae ka tokelo, a se ruile, a ka kena teng a se lema a tlosa thepa ho sona, le joalo—joalo, empa ruri o ne a tšoere feela lengolo la thuho. "A ke ke a se rua," e ne le molao Israaeleng. Joale u bala ho—ho bala ho Levitike 25, 'me u tla bona hoba ba sitiloe ho le rua ka tokelo; a mpa a le tšoara feela.

¹³² Be, joale, ho tea mohlala, mora oa ka o ne a batlile . . . Billy, morao mono, ha a batlile ho nka ea ka . . . a tlie ho reka mobu ona. Be, ka hona, ha mojaki kapa Moena Neville kapa—kapa motho se ruile, a tšoere lengolo la thuho ea sona . . . Joale, haeba e ne le oa leloko le haufi, oa mali a heso a haufi, a ke ke a hlola a se tšoara. Che, monghali. O ne a tlameha ho se nehela, e, monghali, ha theko e lefiloe, ha re re o mo beela, ha re re, lidolara tse likete tse mashome a mabeli a metso e mehlano tsa sekoto sa thepa.

¹³³ Be, ka hona, ho thoe, Moena Tony o tla fihla a re, “Moena Neville, ke tla reka thepa ea Moena Branham.” A ka sitoa.

Moena Neville o re, “Che, monghali, Ha ke batle ho se rekisa.”

“Be, u se lefetse bo kae?”

“Likete tse mashome a mabeli a metso e mehlano.”

“Ho lokile, ke tla—ke tla u beela likete tse mashome a mararo a metso e mehlano. Ke tla beela *hore-le-hore*.”

“Ha ke tsotelle seo u se batlang. Ha ke batle ho se rekisa, ke tla se boloka.”

¹³⁴ Empa Billy Paul a ka fihla a re, “Ke batla lefa la Ntate, likete tsa hao tse mashome a mabeli a metso e mehlano ke tsena.” O ne a tlameha ho se nehela. Ke hantle, hobane oo e ne e le molao.

¹³⁵ Oh, Hallelujah! Hmm! Ke a kholoa lona Bakreste le a e bona. Re letsoai la lefatše. Molimo le nehile bara ba Oona. O re neile matla holim'a tlaha eohle, liphoofolo tsohle, bophelo bohle hohle. Empa Adama, ntata rona, o ile a tela ho Satane. Empa le khutlela kae? Ho Mong'a lona ka tokelo, Molimo O le entseng. Amen!

¹³⁶ Ha ho makatse Johanne a itse “o llile habohloko,” hobane ha a fumana motho ea loketseng ho le lopolla. Monna o lokela ho ba le tokelo. Johanne o itse, “Ka lla habohloko ha ho sa fihleloa motho ea ka nkang Buka kapa ho E sheba kapa ho manolla litiiso tsa eona.” A re, “Che . . . Ha ho motho Leholidong, ha ho motho lefatšeng, ha ho motho tlasa lefatše, ha ho motho hohle.”

¹³⁷ “Ha ho motho.” Joale, ha a iphapanya Mangeloi. Le hopole, lefatše lena le ne le sa fuoa Mangeloi. Ke lefa la motho. Gabariele o ne a loketse, ehlile; motho e mong o ne a loketse, mohlomong Mikaele o ne a loketse. Ha se joaloka . . . E ka ba o ne a loketse ho e etsa. Empa ho se motho ea loketseng. Le a bona? ’Me Johanne a lla haholo.

¹³⁸ E mong o itse, “Hobane o iphumane a se na tokelo.” Ha ho joalo. Monna o ne a le tlasa khahlamelo ea Moea o Halalelang, a ke ke a etsa phoso e joalo. Empa o—ne a . . . o—ne a—o ne a . . . E ne e se eena feela ea se nang tokelo, ha a fumana ea nang le tokelo.

¹³⁹ Nakong eona eo a re, “Ho tlide moholo kapa lengelo le matla, o re, ‘Se lle, hoba Tau ea leloko la Juda,’” (Amen!) “Motso oa Davida, O hlötse!” Amen! “E hlotse,” ka mantsoe a mang. “O loketse ho nka Buka!” Amen.

¹⁴⁰ Hopolang, o ne a eso ‘Mone ho fihlela nakong ena. Hobaneng? O ne a lutse holim’ a . . . a lutse Teroneng kahare mono, Terone ea Molimo. A le kahar’ a sehalalelo. A sa ka a ’Mona ho fihlela nakong ena, eaba Johanne o emetse ho bona e—e ho qatsoha Tau, empa o bone Konyana!

¹⁴¹ Ke moo, baena. Ka bonolo, ka mosa, ka Moea o Halalelang oo re hlolang ka oona. Ha se seqhobane sa mofuta se matla kelellong, empa ea hlolang ke monna ea ikokobetsang. Monna ea ka rahakoang a sale e le mohlanka oa Kreste, ke mohlöli eo.

¹⁴² Joale, o itse, “O hlotse. ’Me O na le tokelo ho nka Buka le ho e phetla le ho manolla litiiso tsa eona.”

¹⁴³ Joale, re tla fumana kamora nakoana, e ka tsoha e se kajeno, empa seo litiiso tsena tse supileng li se tsoereng, seo ba se entseng.

¹⁴⁴ Joale, ha re lieheng nakoana “topollong.” Pele—pele motho enoa a ka . . . a ka lopolla, taba ea pele, o loketse ho ba le tokelo, ebe motho oa mofuta o něpahetseng. Hona ho phethiloe mohla Jesu Kreste a neng a tsoaloa, tsoalo ea moroetsana, hoba E ne e le Molimo. E ne e le Molimo ka Sebele a ntsoe, E ne e le Molimo nameng ea motho. A loketse ho ba le tokelo; ’me Mali a Jesu Kreste a moroetsana a Mo etsa ea nang le tokelo. Joale, re fumana hoo, ha u batla ho phetla Lengolo la eona, la 1 Petrose 1:18 ho fihla ho 20, ha u ntse u ngoapa Mangolo fatše. O ne a loketse ho ba le tokelo. ’Me Eena, kahobane A nkile setšoano Sa motho. O ile a fetoha motho, Molimo oa fetoha oa lesika la rona. ’Me tenng re fumana sekoto se setle sa Molimo Jehova ea entsoeng nama a aha har’ a rona joaloka Ea nang le tokelo. Amen.

¹⁴⁵ “O hlotse.” Molimo a apara sebopheho sa nama ea motho, A tla lefatšeng, a tsoaloa e le lesea a tsamaea har’ a rona. ’Me ka Mali a Hae a halalelang O hlotse.

¹⁴⁶ Joale, ho Testamente ea Khale, kamoo motho a neng a tseka lintho tsa hae, o ne a etsang? O ile a nka moholo e mong, baholo ba leshome, a tsoela khorong a tumisa seo a se etsang, ho lopolla se neng se mo lahlehetse, le ho bontša hoba e ne e le mang, ’me o ile a paka. Re fumana pale e monate mona (Joalokaha ke ne ke ngotse ntlhana mona . . . ho re ke se lebale, kaha ke le methapo hoseng hona.) ka Ruthe, oa leloko le Boase. Ha se khale ha re haola ho eona. Ke batla le hlokomele mekhahlelo e meraro joale ea phomolo ena.

¹⁴⁷ Ke batla le hlokomele phomolo ea Kereke, ke ntho eona eo hantle feela. Joale, hlokomela. Re fumana khetlo la pele, joalokaha bohole re fetile therong eo, *Molopolli oa Leloko*,

Molimo o entsoe nama ho ba Molopolli. E ne e le Eena mona khaolong ea 5—khaolong ea 5. Ho itsoe:

*'Me ho ne ho se motho leholimong, leha e le lefatšeng,
leha e le ka tlase ho lefatše, ea neng a ka tseba ho phetla
buka, leha e le ho e talima.*

*'Me ka lla haholo, hobane ho ne ho se ea fumanoang a
loketse ho phetla Buka kapa ho bala—kapa ho bala buka,
leha e le ho sheba.*

*Eaba e mong oa baholo o itse ho na, Se lle: bona, Tau ea
leloko la Juda, Lehlomela la Davida, o hlotse ho phetla
buka, le ho manolla litiiso tse supileng tsa eona.*

Ke Eena, ke Eena eo re Mo batlang.

¹⁴⁸ Le hlokomele kamoo Ruthe . . . joang . . . 'me Naomi, Boase ke papiso e phethehileng feela. Kamoo Naomi mehleng ea tlala a kileng a nqala kereke, a ngala naha, a tloha e kena naheng ea Moabe ho aha le ho jaka. A lahleheloa ke sohle seo a kileng a se rua. 'Me mohla a ne a falla, monna oa hae, Elimeleke, a shoa ba sa le moo, a lesa lefa la hae ho oela matsong a mang kapa mang. Ha re fihla ke hona . . . mohla a khutlileng, o khutla le mohlolahali e motle oa Momoabe. 'Me Boase ha a bona mohlolahali enoa, papiso ea Kreste, a khahloa ke eena. 'Me a mo rata. Ka hona, a tlameha ho lopolla, mokhoa feela ho mo etsa mosali oa hae e le ho lopolla seo ngoan'abo, Elimeleke, a lahlehetsoeng ke sona.

¹⁴⁹ Eaba o botsa moholoane oa hae haeba a ka le lopolla, ea haufi ho mo feta, 'me a sitoa. Eaba o theoha ho tak a mohlala o phethehileng oa melao ea Molimo. A ea likhorong 'me a rola seeta, ho re, "Ho tsejoe kajeno hobane ke lopolotse lefa lohle leo Naomi a kileng a le rua. Sohle seo a kileng a se rua, sohle seo Elimeleke (moena oa ka) se mo lahlehetseng, 'Na ke leloko le haufi la latelang joale, 'me ke 'na ea ka le lopollang ka baka leo ke tlide ho le tseka. Motho mang mona ea ka supang lebaka le ts'oanelehang, kapa a le haufi ho mpheta, e ke e tsejoe." 'Me bohle ba ithiba molomo. Eaba o raha a rola seeta sa hae 'me a se lahlela ho ba bopaki, "Ke lopolotse tsohle tseo ngoanabu rona, Elimeleke, a kileng a li rua." Hobaneng? E ne e le oa leloko le haufi. E ne e le molopolli oa lesika. Oh, e ntla hakakang! Ke pale e ntla hakakang.

¹⁵⁰ Hape, nakong ena eohle, Ruthe o ne a phomotse a emetse sephetho. A ntoo khutla, ho se motho ea ka pakang khahlano le bona. Eaba o khutla a nka Naomi . . . le ho nka Ruthe, ngoanana e motle oa Momoabe, 'me ba chata 'me ba phela lefeng lena. Ke pale e monate hakaakang!

¹⁵¹ Mekhahlelo ea Ruthe e meraro. Ruthe—Ruthe, o etsa *qeto*; a etsa *qeto* ea hore o tla etsa *qeto* kapa che, ho khutlela naheng ea habo (joaloka Kereke feela). Ruthe, o a *sebeletsa*; mohla a tsoileng ho khoahlapisa. Ruthe, o *phomotse*; ke seo Ruthe a se etsang hona joale (Kereke). Joale Ruthe, o ile a *putsoa*; joale ke

hona moo, kapa, ntho e latelang e etsahalang (ke moputso oa Kereke).

¹⁵² Joale, ha re khone... Ha ke na nako, hobane le na le tšebeletso ea kolobetso 'me ke kotara kamora leshome le motso o mong joale. Empa mohlomong re tla e thonaka Sontaha se tläng kapa Sontaha se seng ka moso, ha Morena a ratile. 'Me ke rata ho theola taba ena mona, ho bontša linaka tsena tse supileng le mahlo a supileng, le litiiso tse supileng tseo ka nepahalo, litšebetso tse supileng, mangeloi a supileng a kereke, linaleli tse supileng, se... Oh, tse mmaloa tseo feela...

¹⁵³ 'Me ntho eohle e lohana 'moho hantle mona. E, monghali. "O ne a loketse a be le tokelo," kahoo Jesu o na le tokelo. Mohla A khutlang re tla thabela botlalo bohole ba mahlohonolo a topollo. Ba bonolo ba tla rua lefatše. Banna le basali ba tla khutla: bara le barali ba Molimo. 'Me Lilemo tse Sekete tse tletseng li tla thoasa. Ke ntho e ntle hakakang!

¹⁵⁴ 'Me Lengeloi le matla ka lentsoe le phahameng, la tumisa, "Ea nang le tokelo ke mang? Ke mang ea tsebang ho etsa see?"

¹⁵⁵ Eaba moholo o re, "Se lle, hoba Tau ea leloko la Juda, E loketse 'me E hlotse."

¹⁵⁶ "Eaba O nka Buka le ho phetla Buka le ho manolla litiiso tsa eona." Ha o a ba bolella se ba hlahetseng ho hang. Mohla re otlang litiiso tse supileng tseo tse manolloang hantle ho haola le Bibebe, shebang se ileng sa etsahala. Hantle kahar'a Buka ena eo re kenang ho eona joale e tiisitsoeng hasupa, e kakatletse sephiri sa mahlohonolo ohle a topollo ea Molimo. Le hopole, ke Konyana, O e lopolotse a 'Notši. 'Me, le hopole, e tiisitsoe kamorao ho Buka, ha e a ngoloa ka hare. E tiisitsoe kamorao, 'me ha e a ngoloa ka hare. 'Me E ne e le Eena feela ea tsebileng le ho phetla Buka kapa ho senola Buka kapa ho senola litiiso, Eena feela ea tsebileng ho e etsa.

¹⁵⁷ Joale taba ke ena, ba ka qabana ka sena kahare ka mona, ka seo e leng sona, empa ke Eena ea E tolokang Ka bo khalalelo. Empa kamorao mona ha ho mang ea ka e khonang. Ke ea Oona homme Oona o inots'i, 'me ke Oona O ka senolang liphiri tse supileng tseo. 'Me le ele hloko kamoo sohle se amanang le topollo, kamoo Kereke e lopolotsoeng le seo topollo e tla ba sona.

¹⁵⁸ Oh, re mpe re Mo rate ka lipelo tsa rona tsohle, ho etsa sohle seo re ka se khonang.

¹⁵⁹ Mongoli o ne a ngola pale. (Pejana ke koala ke busetsa tšebeletso ho Moena Neville.) Na le natefetsoe ke Tšenolo? Oh, Ke e rata feela. Re fumanelitemana tse ka bang tharo feela tsa eona hoseng hona, empa re tla boela re e thonaka. Hlokamelang. Re mpa feela...

¹⁶⁰ Mongoli e mong o ngotse buka e phethang tsa ngoanana ea lekileng ho fumana Molimo.

¹⁶¹ 'Me hangata re tsoma Molimo re bile re batla Molimo, 'me holane Molimo oa ba hohle 'me uena... Holane o ne o ahile nthohali... Be, holane O ahile teronehali e hlonngoe kae-kae holimo mona, batho bohole ba ne ba tla lumela Molimo. Holae Molimo o lutse teroneng e kholo tao-tao; ho thoe, "O lula motseng ona o itseng ona 'me Ke enoa. Enoa ke Molimo 'me le ee ho Eena. O khona feela" [Moena Branham o thanya menoana ea hae—Mong.] "ho e fetola *joalo*," hobaneng, bohole ba ne ba tla Mo lumela. Joale tumelo e ne e tla ba lefeela. Re ne re sa tl'o tlameha ho ba le tumelo ea letho, le a bona, e ne e tla ba phetho. Hoo ho tla etsahala lilemong tse Sekete, empa joale O a bitsa ho leka ho fumana bao ba... E bonahala e le mohlolo e rothofetse, 'me, ha u tsebe na e etsoa joang. Empa re E lumela ka tumelo! Rea lumela. Ke ka lebaka leo ho leng tjena. U a e utloisia, Moena Elmer? Le a bona? Seo...

¹⁶² Joale, haeba Molimo o lutse teroneng. 'Me o itse, "Khele, mona O... mono O... Molimo ke enoa. O lula tlase tulong e itseng, re tla theohela teng." Le ho re, "Monghali ea Ratehang, Molimo, na u ka ho-re?"

"E, Ke tla e etsa." "Psst!" 'Me e ntoo etsoa, le a bona. "Be, ehlide, oo ke Molimo. Le a bona? Khele, re bona seo." Ho ka be ho sa hlokoe... tumelo e ne e tla etsoa lefeela. Tumelo ha e molemo ha u kholisehile.

¹⁶³ Holane motho e mong le e mong lefatšeng e ne e le Mokreste? Holane bohole e ne e le—e le Mokreste ea tletseng Moea? Khele, re ne re sa tl'o hloka tumelo ea letho, re ne re sa tl'o hloka tumelo ho hang. 'Me ehlide tumelo ke eona—ehlide ke eona ntho eo re pholosoang ka eona, ke tumelo. 'Me ke ka hona ba bang ba lokelang ho se lumellane le Eona, re tle re kgone ho sebelise tumelo. Na le a utloisia joale? U tlameha ho fumana lehlakore le leng. Le a bona? U tlameha ho fumana mosali e mobe ho hlaisa oa sebele hantle. Le a bona? Leshano le loketse ho hlaha ho totobatsa 'Nete le ho E phatsimisa hantle. Holane sohle e le 'Nete, E ka be e qaphakile haholo, le a bona. Le a bona? Empa, le a bona, ke ntho ea borena, ke ntho ea makhonthe, 'Nete le tumelo le joalo-joalo. Joale, ke moo.

¹⁶⁴ Joale, re tlameha ho thula meepa le metheo ena. Lintho li tsamaea joalo. U tlameha ho fumana matsatsi a monate ho natefeloa... kapa matsatsi a mabe ho thabela a matle. U tlameha ho kula nakoana ho thabela katleho ea 'mele. Le a bona? 'Me u tlameha ho thula liphula tsa hao ho thabela litlhōrō tsa lithaba. 'Me ka hona le leng la matsatsi ana sohle e tla ba tlhōrō ea thaba, e tla ba 'mele o atlehileng, ntho eohle e tla ba Molimo, tsohle e tla ba thabo, feela... e be—e be menyaka e sa feleng. Empa ho fihlela mohlang oo, le a bona, re lokela fumana botle le bobo bona.

¹⁶⁵ Joale, bohole ba utloisia sang seo, e reng "Amen." [Phutheho e re, "Amen!"—Mong.]

¹⁶⁶ Ngoanana enoa o boletse a ne a leka ho fumana Molimo hohle moo ileng teng. O ne a ea kerekeng ena a ntoo ea kerekeng eane, le eng hape, empa a sa E fumane. Eaba hang o e fumana e theosa ka tsela, e le leqhekoana, la monna le theohang ka tsela, mothanyana feela, 'me a jere kathedrale eohle e kholo mokokotlong oa hae. A theosa tseleng. 'Me a re, "Oh, monna ea lokileng!" A re, "Khele, u etsa hantle haholo," ho re, "empa u—u jere ntho eohle mokokotlong oa hao." A re . . . "E tla u pitla."

A re, "Che, ha e ka ke ea Mphetšela," ho re, "hobane ke 'Na Lefika leo e hahiloeng holim'a lona." Ke Eena eo.

Ha re rapeleng:

¹⁶⁷ Oho Lefika la Mengoaha, ke thabetse ho palama kahar'a kathedrale, ho tseba hobane re theiloe holim'a Lefika. Oh, O itse, Lefika, "Ha e fetise pampiri feela." Eareha Lefika le qala le eketsa lebelo ka eona, mangene-nyene a monate a qala a tiletsa ka hare. Oho Lefika la Mengoaha, re pate mehauhelong ea Hao. Re jare re theohe ka tsela le molapo oa bophelo hore lipelo tsa rona li tle li nyakalle li ntse li ketemisa lithoriso ea Hao tsela eohle.

¹⁶⁸ Re U leboha ka ketelo ena hoseng hona ea Moea o Halalelang Lentsoeng, ha E kena 'me e re netefaletsa Lentsoe. Ho re tšoarela likhaello tsa tsohle le tsohle tseo re li entseng kapa tse phoso tseo re li buileng, re li tšoarelroe. Re thuse ho ba Bakreste ba molemo, Ntate Molimo. Re rapela mehauhelo ea Hao holim'a rona.

¹⁶⁹ Ke a kopa, Morena, ha e le thato ea Hao, re tle re khutle hape haufinyane le—le ho qetella likhaolo tsena mona le ho nka litiso tsena tse supileng. Re—re shebeletse nako eo, Morena, mohla U—U tla—U tla re lumella ho etsa joalo. 'Me, Ntate, hantle mona kahar'a kerekana ea rona re U rapela ho re abela eona, re tle re utloisise lintho tse kholo tsena tsa Molimo. Ha se kahobane re lokeloa ke hona, Morena, empa lipelo tsa rona li lapetse hona. Re U rapela ho e aba.

¹⁷⁰ Re rapella Moena Neville oa rona, Morena, molisa oa rona ea tšepehileng ea rometsoeng ke Molimo. Re U rapella ho mo thusa le ho mo hlohonolofatsa, eena le mohatsae e mosa, mothoana e motle, le bana ba hae.

¹⁷¹ Re rapella literaseti tsohle le batikone le bohole ba kenang kerekene. Ha se bakeng sa ba rona feela, empa le tsa ba bang le bohole ba bitsang Lebitso la Hao. Ke rapella metsoalle ho tsoa naha ka bophara, ka temoso ea motsotsoana 'me ke bana. Ntate, ke—ke U leboha ka baka la sena feela.

¹⁷² Ke O rapela ho akofisa letsatsi leo mohla Jesu a tla tla 'me bohole re tla phuthoa 'moho teng ha ho sa tla ba motše share kapa bosiu, leha e le nako, e tla phallelia Bosafeleng le moo bohole re ka bang phuthehang 'moho kamehla. Aba sena, Morena.

¹⁷³ 'Me ba bang ha ba le teng mona hoseng hona, Morena, ba sa U tsebeng joaloka Mopholosi oa bona, ba ke ba batle ho tsebana le Konyana ena E tšoereng Buka ea litiiso tse supileng Letsohong la Eona. Molimo, re ke re Mo tsebe hakaale etlere kamoso ha re bona ho manolloa litiiso tseo re tle re bone seo Molimo o buang le rona ka sona. Re e kopela tlotliso ea Molimo, ka Lebitso la Mora oa Oona, Jesu Kreste.

'Me re sa inamisa lihlooho tsa rona:

¹⁷⁴ Motho o teng ea reng, "Nkhopole, Moena Branham, ha u rapela, 'me nka rata ho hopoloa thapelong"? Molimo a u hlohonolofatse. Molimo a u hlohonolofatse. 'Me Molimo a u hlohonolofatse, le uena, le uena. Ee. Molimo a be molemo ho uena. Ee. Ekaba litosene tse peli tsa matsoho, kapa ho feta, a phahameng.

¹⁷⁵ Oho Morena, U bona matsoho a bona, U tseba takatso ea bona. U tseba se lipelong tsa bona, 'na ha ke tsebe. Ke U rapela ho ba senolela, Morena, molemo oa Hao le mohau oa Hao. Ba tšoarele e ka ba eng. Haeba e le maloetse, Morena, folisa mebele ea bona ho ba phekola. Etsa joalo Ntate, tlotso ea Moea o Halalelang e sa lutse holim'a kopano, holim'a phutheho joale. Molimo o moholo oa Leholimo o tlotse hakaale O be o hlohonolofatse bohole ka pel'a Sefahleho se Khethelhileng, re tle re tlohe mona hoseng hona, re re, "Ana lipelo tsa rona li ne li sa chese ka ho?" Aba sena, Morena.

¹⁷⁶ Joale, ke a fokola 'me ke khathetse, lentsoe la ka le chele, 'me ke—ke rapella feela, Molimo, matla a ka. Na U ka nthusa? Na U tla 'matlafatsa? Ho tlamella leqebana leo tlase mono, Morena. Na U tla etsa joalo hle? Oli e Halalelang ea Molimo e kene ka mono, le kahara leqeba lefe feela, Morena, hohle ho e mong le e mong. Re batla ho phelela, Morena, tlotlisong ea Hao le khanyeng ea Hao. Aba sena. Le ho folisa bakuli bohole le ba mahlomoleng. Le—le ho Ithuela khanya, Morena, hoba re eellooa ho ke ke ha ea halelele re tla be re...ha re sa tla epa likopano tsena; ha li sa tla ba teng, e tla ba tsa nako e fetileng.

¹⁷⁷ Joale, Ntate, hlohonolofatsa, joale, re kopa bohole 'moho ka Lebitso la Jesu Kreste.

¹⁷⁸ 'Me hape, Ntate, re U kopa hape ho hopola ba tlang ho kolobetsoa hoseng hona ka Lebitso la Morena Jesu, hore U tle u ba fe kolobetso ea Moea o Halalelang, khanya e kholo le hlompho. Aba sena, Ntate. Re e laetsa eohle ho Uena joale.

¹⁷⁹ 'Me, Ntate, ka tseo tsohle, ke itahlela kahare. O se ntebale, Morena, nthuse feela joale. Ke rapela ka Lebitso la Jesu. Amen.



TŠENOLO, KHAOLO HLANO KAROLO I SST61-0611
(Revelation, Chapter Five Part I)
THERO LETOTO TSHENOLo EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Phupjane 11, 1961, Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org